



## Deset godina sportskih nastupa »Orsana«

Bruno Mustapić

Uprava, jedriličari, brojni članovi i prijatelji društva »ORSANA«, ove godine svečano su proslavili rijedak jubilej: 10 godina aktivnih sportskih nastupa i takmičenja. Zahvaljujući ljubavi i odanosti pionira osnivača, a kasnije mladih generacija, koje su s velikim interesiranjem i nesebičnim radom podizali i njegovali jedriličarski sport, još čvršće su udareni temelji ovom perspektivnom društvu, čiji je dugogodišnji aktivni i agilni rad ostavio neizbrisive tragove velike afirmacije i respekiranosti.

Takav jubilej, prožet plodnim i sadržajnim nastupima, velikim uspjesima i rezultatima, predstavlja bogatu bilancu za »Orsana« kao i za jugoslavenski jedriličarski sport, gdje su svestranost, masovnost i kvalitet odigrali veliku ulogu na unapređenju ovog plemenitog sporta. Desetogodišnja ocjena sportskih nastupa, obilježena je vrijednim i primamljivim uspjesima, tim više, jer je društvo pored niza poteškoća i slabih materijalnih prilika održalo svoj autoritet i izborilo stalnu sportsku aktivnost, kao najzapaženije društvo u našoj zemlji.

Prvi javni nastup 1948. godine kada je društvo nastupilo sa četiri stara broda, donio je prve plodove i uspjehe. U narednih 10 godina nastupa, broj se popeo na 18 osvojenih prvih mjesta i velikih pobjeda, dobivši najdragocjenije trofeje, pokale i nagrade učestvovanjem i postignutim rezultatima na tradicionalnoj Brionskoj i Jadranskoj regati, zatim državnom prvenstvu međurepubličkim, međuklupskim i međunarodnim regatama. Sa krstašom Bobara društvo je postiglo najviše i najljepše pobjede, dok i sa ostalim jedriličama uspjeh nije izostajao. 1949. godine članovi društva osvojili su prvenstvo države u modelarstvu, dok su istaknuti jedriličari braća Knežević 1957. godine zastupali našu državnu reprezentaciju na međunarodnoj regati u rumunjskom gradu Kostanci. Kroz desetogodišnji period društvo je putem mnogih tečajeva osposobilo 673 mornara, 238 kormi-

lara, 126 modelara, koji su pred stručnom komisijom položili ispite i dobili svjedodžbe. Nabavkom a nešto izgradnjom vlastitim snagama, plovni park se povećao na još tri jedrilice tipa L-5, dvije Stele, dvije Olimpijske jole, četiri Omladinca, sedam Šljuka, jedan Katamaran, Društvo je podiglo mehaničku i drvodjelsku radionicu, tri hangara, vlastiti buffet, dio operativne obale, što je omogućilo da društvo održi stalnu aktivnost i donekle stabilizira materijalne poteškoće.

Svakako za uspješan dugogodišnji rad jedrenja i društva treba odati priznanje sportskim radnicima Andru Kneževiću, Marinu Jakobiću i Zdravku Kosoviću, koji su uložili maksimum truda i nesebičnog zalaganja na podizanju ove plemenite grane sporta, i čijim su zaslugama odgojile mnoge mlade generacije odličnih jedriličara. U znak priznanja i zasluga na podizanju jedriličarskog sporta, Glavni odbor Narodne tehnike Jugoslavije nagradio ih je spomen-plaketama za 10-godišnji aktivni rad.

Uzevši općenito, Orsan je opravdao sve uslove solidnog, kvalitetnog i masovnog društva, kome u Dubrovniku nema ravnog. Interes kod omladine uvijek je velik, a to je dovoljna garancija za svaki daljnji uspjeh i uzdizanje stručnog kadra jedriličara. Mladići i djevojke sa simpatijama rade i zalažu se na podizanju jedriličarskog sporta. Svakim danom po neki novi član, ali zato i mnoge predrasude. Treba se obučiti, proći kroz tečaj i upoznati navigatorske vještine. Oni su svjesni toga, pa je razumljivo i nestrpljenje do sportskog okršaja, do slijedeće sezone. 10-godina dramatičnih teških i uzbuđljivih ali zato i lijepih regata sada je samo uspomena, dok druge mnoge i mnoge još preostaju. Za njih će se pobrinuti nove i mlade generacije Orsanovih jedriličara. Oni će braniti boje svoga društva i na njima ostaje budućnost dubrovačkog Orsana, društva koje zaslužuje zaista velika priznanja i pohvale, proslavljajući ovaj rijedak ali zato veoma bogat i plodan sportski jubilej.

## Dovršava se plivački bazen

Sportovi na vodi predstavljaju svakako jednu od sportskih grana u kojoj je naša zemlja postigla vidne rezultate. To posebno važi za vaterpolo i za plivanje, gdje su naši takmičari na mnogobrojnim međunarodnim takmičenjima pokazali svoju vrijednost, tako da se sada oni ubrajaju među najbolje vaterpoliste i plivače u svijetu.

Ipak treba ovdje istaći da su sva dosadašnja dostignuća na ovom polju ostvarena i pored činjenice da u našoj zemlji ne postoji još razgranata i široka mreža zimskih bazena koji bi omogućili što većem broju naših ljudi da se aktivno bave i preko zime ovom stvarno neobično korisnom granom sporta za snažni fizički razvitak mladih generacija.

Jedan neobično važan korak učinjen je ove godine, kada je u Zagrebu na Dan Republike 29. novembra otvoren veliki zimski bazen. To je jedini takav bazen u Jugoslaviji, i jedan od najsavremenijih u Evropi.

Dubrovnik je već nekoliko desetaka godina bio jedan od središta gdje se plivanje i vaterpolo najviše gajilo. Razumljivo je da se sada pristupilo i izgradnji zimsko-ljetnog bazena i na području ovog grada u kojemu se na desetke hiljada ljudi aktivno bave plivanjem.


Među nedavne investicije koje su odobrene u općini Dubrovnik za narednih nekoliko godina nalaze se i krediti za izgradnju odnosno za dovršenje zimsko-ljetnog bazena na Gruškom polju. Ovaj bazen, predstavljat će ta-

kođer i novu mogućnost oživljavanja zimskog turizma na području Dubrovnika, pored pružanja uslova za redovnu razonođu velikog broja naših građana te uslova za sistematsko vježbanje naših vrsnih takmičara u vaterpolu i plivanju.

Osnovne konture bazena su već izgrađene pred nekoliko godina. Uskoro će se pak prići nadogradnji zimskog dijela, odnosno pokrivenog bazena sa tribinama za 3.000 gledalaca. A sam bazen imat će olimpijske razmjere od 50 metara za 25 metara.

Istovremeno će se prići i izgradnji oko 200 klupskih ležaja koji će se koristiti za smještaj takmičara prilikom njihovog boravka u Dubrovniku, a istovremeno će moći korisno poslužiti za smještaj raznih ekscurzija koje svake godine posjećuju naš grad. Pored toga izgradit će se i restoran sa 100 sjedala, kao i kafana istog kapaciteta.

Na taj način bit otklonjena jedna praznina u objektivnim uslovima za daljnji razvitak turističkog i sportskog Dubrovnika.



Izgradnja plivačkog bazena u Dubrovniku